

O lipahak no faloco' a madadama

Itiya ho ira ko cecay malitangay, micikero h to mimingay a paliding, mateli i paliding ko cecay lofoc a felac. Tahira i sacokacok no taporo, ma'araw ci Kolas mita'elif, sowal han noya malitengay, "Wawaaw, pacafayen ho kako micikero h to paliding macokacok tona taporo, makahi kiso?" Ki:yay macaroh ko rakat ni Kolas to tatayra i kongkoan, 'inga'ing sa a caciyaw, "Mamaapac to kako, awa ko romi'ad no mako pacafay tisowanan." sasamaanen to hakiya sato koya malitengay, aro' sato a pahanhan.

Caho kahalafin ko aro', ira mita'elif ko cecay mitilday, ci Sera ko ngangan nira, pakayni toya lalan a romakat. Ma'araw ni Sera koya malitengay, sowal sa, "Pacafayen no mako kiso micikero h to paliding a macokacok?" caacah sa misisit to sinoet a somowal, "Kadayaw ko'iday kiso!" Maharek a somowal ci Sera malacafay to a tatosa micikero h to paliding, tahira i taporo. Oya olah no malitengay a faloco' sowal sa, "ko'iday kiso wawa ahowi:day!" han nira a pasowal, macarohen to ci Sera tayra i kongkoan, oya kacomikay ningra awa to ma'araw, tahira i kongkoan mata'elif to ko tatokian.

O maapacay ko pisatapang mitilid cingra, tada o aolahen no kapot, onini a demak nga'ayay sapahapinang nira a pasowal to singsian, nika cowa kahaen ko faloco' ni Sera, o faloco' nira sapipacafayaw aca to papatadoen a tamdaw, nimaan i ka'ayaw no 'alomanay a somowal to hatiniay a demak.

Minokay sato namitilid, comikay to mikilim ci Kolas ci Seraan, sowal han nira, "Mafana'ay kako to kaapac no miso, i papacem malingad mitilid, ira i kaikor ako kiso a romakat sa kako, o harateng ako cakaeca kiya mipacafay kiso toya malitengay micikero h to paliding sa kako." "Hai" han ni Sera a paca'of. Licayen haca ni Kolas, "Sarakat mitahidangay koya malitengay papipacafay micikero h to paliding, cowa haien no mako to awaay ko li'aca atayal!" Paca'of han ni Sera, "Ano kako to i, cowa kakahi mitayal to awaay ko li'aca a demak." Safaheka sa ci Kolas, sowal sa, "Naw hano pacafayen iso cingra saw? na mapafeli nira to payci kiso?" Tawa sa ci Sera a somowal, "Cowa katepi' ko sowal no miso, awa ko pafelian nira a payci takowanan, o pipacafay no mako toya malitengay, nano papacem tahanini, o faloco' ako salipahak saan, onini koya malayapay ako a li'aca!"

助人為快樂之本

一位老人推著小車子想上山坡，請 Kolas 幫忙卻被拒絕，因為他覺得幫忙沒有代價。後來小學生 Sera 主動幫助老人，兩人合力把車子推上坡。放學後 Kolas 問 Sera 為何願意幫忙，Sera 說他也沒拿錢，但因為幫助別人，心裡感到快樂，這就是最好的回報。短文傳達了助人為快樂之本的價值觀。